

(<https://news.usm.my>).

Berita Mutakhir

23
AUG

BEKERJA JUGA SEPERTI BERMAIN RAGBI – ABDULLAH



PULAU PINANG, 23 Ogos 2017 – Ahli Lembaga Gabenor Universiti (LGU) Universiti Sains Malaysia (USM), Datuk Abdullah Wahab hari ini mengadakan sesi perkongsian lebih 25 tahun pengalamannya dalam sektor awam dengan warga pentadbir dan juga akademik di USM.

“Bekerja ini adalah seperti bermain ragbi dan kita perlu mengadaptasikan pasukan rakan sekerja seperti sebuah pasukan ragbi yang perlu mempunyai beberapa kriteria,” kata Abdullah yang juga pemain ragbi ketika belajar di USM dahulu.

“Jika di dalam permainan ragbi kita perlu bermain secara berpasukan, begitu juga dalam bidang pekerjaan yang memerlukan kita bekerja sebagai satu pasukan yang saling bekerjasama, hormat, percaya serta bersama-sama dalam apa keadaan sekalipun,” tambah Abdullah yang ditemani isteri, Datin Rafidah Abdul Jalil yang juga alumni USM.



Abdullah, 67, anak kelahiran Kangar, Perlis pernah berkhidmat sebagai Penolong Setiausaha dan Setiausaha di Parlimen Malaysia bermula pada tahun 1980.

Selepas menamatkan pengajian Ijazah Sarjana Muda Sains Kemasyarakatan di USM pada tahun 1976, Abdullah juga pernah berkhidmat di USM sebagai Pegawai Tadbir di Pusat Pengajian Sains Farmasi di bawah kepimpinan N.A. Ogle (kemudiannya Dato'), sebagai Pendaftar pada ketika itu.



Semasa menjadi ahli LGU (dulunya dikenali sebagai Lembaga Pengarah Universiti (LPU)) sejak 2008, Abdullah telah mengetuai beberapa jawatankuasa termasuk Jawatankuasa Audit Universiti.

Pada majlis yang sama, Pendaftar USM Profesor Dato' Dr. Abd Aziz Tajuddin berkata, program sebegini adalah sangat penting terutama pada ketika ini yang mana USM sedang menjalankan pengkayaan bakat dengan beberapa inisiatif lain termasuk penempatan silang dan keupayaan staf

dalam pelbagai bidang atau multitasking.



Program ini adalah anjuran Pusat Transformasi Insan (PTI) dan turut hadir ialah dekan-dekan serta Timbalan Pendaftar Kanan PTI, Mohamad Abdullah.

Teks: Nor Rafizah Md Zain



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015